



UNIVERSITÄTS-
BIBLIOTHEK
PADERBORN

**Scientia Salvit̃s, Sive Considerationes Piæ, Præcipuam
Spiritualis Vitæ Materiam complectens**

Laberhittel, Samuel

Ingolstadii, 1660

135. Fer. 3. De bonis Beatorum ineffabilibus.

[urn:nbn:de:hbz:466:1-59837](https://nbn-resolving.org/urn:nbn:de:hbz:466:1-59837)

Feria 3. Dom. 2. post Pasce. 235

*carne bonum est; dicebat Stoicus, mihi frui meâ
mente bonum est; dicebat Apostolus, mihi an-
imam adherere Deo bonum est. Errat Epicureus,
fallitur Stoicus; tunc enim rectè anima vivit,
si non secundùm carnem, non secundùm seipsam,
sed secundùm Deum vivat: sicut enim anima
carnis, ita Deus anima est vita: hanc unam
petij, & requiram.*

MEDITATIO CXXXV.

Feria 3. Domin. 2. post Pascha

De bonis Beatorum infallibilibus.

Audiam fidèlem & oculatum testem de
gloria aeterna loquentem: Sicut, inquit,
scriptum est Isa. 64. v. 4. Quod oculus non vidit,
neque auris audivit, nec in cor hominis ascendit,
quae preparavit Deus isrl, qui diligunt illum, no-
bis autem revelavit Deus per Spiritum suum:
Sed tam arcana verba, quae non licet hominè
loqui, subdit Apostolus. Petam intelligere
ineffabilitatem bonorum caelestium, & ad
ea preparari.

*Conf. 2. Quomodo status Beatorum non
tantùm excludat statum vitæ temporalis, de
quo Gregorius hom. 37. in Evang. Tempo-
ralis vita vita aeterna comparata Mors est potius
quàm vita: juxta illud Apostoli ad Rom. 7.
Infelix ego homo, quis me liberabit de corpore
mortis hujus? Sed insuper excludit omnem
statum*

236 *Feria 3. Dom. 2. post Pasch.*

statum viatorum, sive hominum in statu innocentiae, sive Angelorum: Quia is utrorumque fuit naturalis, defectibilis; Beatorum autem est supernaturalis, & aeternus. *Quid amas, inquit Aug. Serm. 64. in Caelo? Vivere? hoc habebis. Quid times? mori? non patieris.*

Conf. 2. Quomodo gloria Beatorum excedat omnem sensum, & visus, qui latissime patet, & auditus, qui adhuc latius patet, quia se extendit ad praeterita, & futura: Sed & sensum excedit intellectus, qui multo latissime patet, quia se extendit ad possibilis: Beatorum autem gloria excedit omnem fictionem: Quia *oculus non vidit, nec auris audivit, nec in cor hominis ascendit, &c.*

Conf. 3. Si gutta boni caelestis faceret amarum omnem mundum cum omnibus, quae in eo sunt: si unicum verbum Dei superaret omne melos: si omnis flos odoratissimus inferior esset odore caelesti: si pulchritudo, gratia, & elegantia caelestis tanta esset, pro qua videnda ad diem iudicij usque, in fornace omnes libenter arderent, dummodo Deum videre possent, quanquam nondum videre mererentur: sed complexus Dei prae vi delectationis rumperet corda omnium, quid simile bono huic excogitari posset? Et tamen, inquit Deus Susoni, magis distant
haec

Feria 4. post Dom. 2. post Pasch. 237

hæc à me sicut sum, quàm digitus à cœlo octavo: & quidquid sentire amoris potest quis in hac vita, minus est, quàm gutta ad oceanum, si conferatur cum gaudio, quod habent Beati: adeò nondum inventum est, quod conferri possit cum gloria æterna.

MEDITATIO CXXXVI.

Feria 4. post Domin. 2. post Pascha.

De magnitudine gloriæ Beatorum.

Memoriã repetam petitionem Augustini ad Hieronymum, ut quis ejus esset sensus de cœlo, sibi perscriberet, cumque interea obiisset Hieronymus, tamen Augustino apparens respondit, facilius esse stellas cœli, & arenas maris, & oceani guttas numerare, quàm quid sit gloria cœlestis exprimere. Apud Bessæum Concione de cœlo. Petam intelligere magnitudinẽ gloriæ Beatorum, & consequi.

Conf. 1. Tantam esse vitæ æternæ felicitatem, ut nec ex revelatione divina possit intelligi: quia nec Fides, nec Spes divina cõperungere potest, juxta Isa. cap. 64. & 1. ad Cor. cap. 2. quæ utraque, quò propius ad beatitatem accedit, magis evacuatur, juxta illud Augustini: Quod Deus se amantibus præparavit, nec per fidem potest penetrari, nec per spem attingi: adeò nullo sensu, nullo